

直隸霍州志目錄

卷首

圖

州屬總圖

州境

霍山

州城

學宮

卷一

沿革

卷二

星野

卷三

疆域

里甲附

卷四

山川

卷五

城池

卷六

官署

卷七

驛站

舖遞附

卷八 關隘 營汛附

卷九 水利 津梁附

卷十 物產

卷十 倉儲

卷十 賦役 榷稅鹽法附

卷十 學校 書院義社學附

卷十 祠廟

卷十 風俗

卷十 機祥

卷十 古蹟 陵墓寺觀附

卷十 封爵

卷十 秩官

卷二 宦績

卷二 科目 恩拔副歲例貢附

卷二 仕籍 援例封典附

卷二 人物 賢哲 宦業 寓賢

卷二 列女 貞節 賢媛 篤行 文苑 方技 仙釋 誠早婚說附

卷二 藝文 上中下三冊 舊志原敘附

直隸霍州志卷二十

宦績

本州

北周

柳霞字子昇河東解人也宋太尉元景從孫曾祖卓晉
汝南太守始自本郡徙居襄陽祖叔珍宋員外散騎
常侍義陽內史父季遠梁臨川王諮議參軍宜都太
守霞自幼風儀端肅廬陵王續爲雍州刺史辟爲主
簿及岳陽王蕭詧蒞雍州選爲治中累遷車騎大將

軍儀同三司大都督賜爵聞喜縣公尋進位持節侍
中驃騎大將軍開府儀同三司及督踐位江陵霞辭
歸襄陽保定中又徵之授使持節驃騎大將軍開府
儀同三司霍州諸軍事霍州刺史霞導民務先以德
再三不用命者乃微加貶示之恥而已其下感而化
之不復爲過咸曰我君仁惠如此其可欺乎天和中
卒有十子靖莊最知名

詳見
史傳

隋

宋老生未詳何處人代王侑遣老生帥兵三萬守霍邑

唐兵至老生與戰馬蹶被擒死之

按老生官武牙郎將非官其地治其民者比祀之名
宦非例也直以其忠義存之金之孔祖湯猶是也

宋

孫固管城人爲霍邑令端慤蒞政仁愛惠施宰相韓琦
知其賢欲見之固不肯往琦益重之

金

移刺阿里合遼人興定間累遷霍州刺史興定四年移
霍州治好義堡元兵至力戰不能敵兵敗被執誘使

降曰我有死無貳叱使跪但向闕而立元人叢矢射殺之同時有孔祖湯泰和三年進士爲寶昌軍節度副使元兵至亦被執不屈死

元

王明安燕人太祖時守霍州忠恪不移卓有異政後擢平陽總管元帥

益篤護彌實至元間監霍有仁政民咸思之正祀考贊其賦役均平寇賊屏跡云

明

曹端字正夫河南澠池人永樂中霍州學正修明聖學
州人皆化之遭艱歸澠池霍州諸生多就墓次受學
服闋改蒲州學正霍蒲兩州各上章爭之霍奏先得
復任霍前後在霍十八年卒之日州人罷市巷哭童
子皆流涕所著有四書詳說太極圖通書西銘釋文
孝經述解性理文集儒宗統譜家規輯畧存疑錄夜
行燭童子箴性理論拙巢鳴等書又作川月交映圖
以擬太極薛文清公亟稱之蓋有明初年理學之冠
也詳見明史列傳

崔明字顯之直隸新城人初令萬泉有風雨除蟲鴉雀
啄螟狼償兒命蝴蝶訴冤雙瓜結瑞之異萬泉人爲
立五奇之碑成化間升守霍州時百姓苦於供億公
至蕩滌煩苛百廢具舉流亡聞而歸者八九又葺火
星廟而火災弭禱於城隍而虎患息祈雨雪而雪累
降州人至今思其德焉

國朝

王來觀字親宇奉天人原任河南分守道順治五年降
補知州潔已愛民不阿權貴六年姜瓖入寇霍爲南

北孔道攻尤力公督兵以守城陷血戰死州人爲建祠祀之兼祀省忠烈祠

閩承儒遼東貢生順治六年由貢生知本州有惠政州人建生祠祀之

以上十一人皆已祀名宦者

北齊

封子繡勃海蓀人霍州刺史 按北齊列傳子繡係開府儀同尚書右僕射子繪之弟外貌儒雅而俠氣難忤武平中渤海太守霍州刺史陳將吳明徹侵略淮

南子繡城陷被送揚州齊亡後仕隋開皇初終於通
州刺史舊志所見異辭乃引子繪於霍山千里徑別
開一路事并繫以元魏封子繪名悞矣今更正

隋

楊素舊志華陰人討平漢王諒之亂煬帝以其老於邊
事命知代州遷霍州觀察使按隋書開皇四年素
拜信州總管爲取陳之計居永安造五牙大艦大舉
伐陳破之引永軍東下巴陵以東無敢守者陳遣使
請降師還拜荊州總管封越國公後漢王諒反以素

爲并州道行軍總管河北安撫大使素出奇兵深入
霍山緣崖谷直抵諒營一戰破之諒窮蹙而降以功
拜其子姪皆儀同三司大業元年素拜尙書令太子
太師及卒諡景武贈太尉公河東上黨西河河內等
十郡太守夫霍於東漢爲永安縣隋開皇十八年罷
郡置州州地遼濶不盡山陸似亦可造大艦但史傳
並無知代州遷霍州觀察明文漢王之亂亦第由霍
山進兵豈卽爲霍州觀察使耶今姑仍其舊所謂與
其過而去之毋寧過而存之也

唐

蕭至忠沂州人秘書丞少監德言孫神龍中拜黃門侍郎同平章事遷侍中中書令景雲初出爲晉州刺史有能名默啜遣大臣來朝見至忠風采逡巡畏俯謂人曰是宜入相何乃居外乎先天二年復爲中書令元

程榮本府靈瑞人提控平陽太原兩路橋道霍州長官立城池起蓋公廨

李伯淵大德間以承德郎知霍州兼管諸軍奧魯兼勸

農事建廨營學廢墜具舉

矢刺不花大德間以承德郎兼霍州達魯花赤兼管諸軍奧魯兼勸農事建公廨廟宇學舍戟門

韓奭至元間知霍州卜遷學宮地經營創始皆其力

賈琪至元間知霍州修建學宮重士愛民

明

蔡邵江西舉人景泰間知州有惠政

張紀宏治間知州興廢修墜政不擾民

劉橘獻縣舉人嘉靖間知州有德政後陞臨洮同知士

民送者塞途

褚相海寧縣進士嘉靖間知州申除徐溝蒲縣等處助
差銀審定輪編夫役歲省郡費不貲著四書膚解尙
書題義創建霍山正學書院集庠彥相與講明心學
士民立祠祀之

李春臨漳縣舉人嘉靖間知州時東山土寇所在蹂躪
春約衆矢誠三擣巢穴不踰旬而盡洗之又均糧編
夫毀淫祠建公署創鳴谷塔敬教勸學士習民風爲
之不變

許仁靈寶縣舉人隆慶間知州潔已愛民平刑輕賦
耽吟詠蒞任未久辭官歸

吳過寧夏舉人萬厯間知州仁政善教時有穀秀兩穗
之異

高易邾縣舉人萬厯間知州有能名

張遂華州舉人萬厯間知州廉潔自持發奸摘伏人不
能欺

楊楠盩厔縣舉人萬厯間任秉性嚴重爲政簡而有體
立文社督諸生講學倡明濂洛宗旨力請故學正曹

端從祀孔廟

侯鼎祿良鄉人崇禎間署州篆適闖賊兵過霍當南北孔道賊併力攻之公督士民登陴固守城破被執不屈死

張夢鯨蒲城縣舉人崇禎間知州蒞官九載愛民禮士始終如一

韓中孚韓成裔碭山選貢崇禎間知州文章政治咸有可觀

丁時學北京人學有根柢爲文謹於法度崇禎間以辟